

王焱
編

日本漢文學百家集 61



YSP
北京燕山出版社

王焱 主編

日本漢文學百家集
61

常州大學圖書館
藏書章



北京燕山出版社

第六十一册

鷺峰先生林學士全集

詩集

卷一

〇六

至

卷二

一〇

自序

譜略

林春勝

著

元祿二年

一

我鳥峰先生林學士詩集卷第百六

東明集二十一

延寶三年十月
至元四年十二月

乙卯十月六日應藤君子默之招賦西園楓葉
今夜庚申故各押猿字爲韻

秋去冬來遊亦好紅楓勸醉步西園染成霜葉再三
入絕勝春花廿四番半落幽蹊鋪錦樣猶餘殘色照
黃昏林間月掛形弓影風失枝搖長臂猿

鎌倉遠江府一日程余東來既四十年未遊於
彼地曾過戶塚藤澤指中間片雲而已頃間姪

憲浴豆之温湯經歷鎌倉及歸呈紀行五十餘
首一覽之間山水之勝備矣乃就其中欲刻數
篇則孰取孰舍欲閣之則愧殺風景於是姑述
所素聞之事作五百言以副其所見之景云

聞昔源鎮將初開鎌倉基遙移男山跡爰建鶴岡祠
神靈威德顯源家孫謀貽赫赫右幕下風雲耀白旗
望西薺平族征東廔奧夷總追捕使戰山海屬一麾
手握鳳闕月背負蜻洲曦勢似龍虎猛名被草木知
牆有兄弟闕折推棠棣枝闈有長舌婦唱晨雞之雌

家有嫡庶，競左右角爭危。三代一場夢，變態黃梁炊。
誰知闔國，令出自老寡尼父。老弟姪，健掌中弄藤兒。
世皆北條物，傳祥產熊羆。天怒迅雷震，東軍百萬馳。
盤石壓累卵，翠華三處離胸吞。六十國位，卑身跪拜。
貞永式條定，武林守範規。恤下愛如子，民蒙父母慈。
藤將逐於洛，皇子來在茲。帥如黃口雀，副似金色獅。
王孫不謀勢，倒輿放京師。迎新雖改觀，亂臭唾朵頤。
異哉最明寺，薙髮託沙彌。政猶附男婿，十倍于叔疑。
隆元後化至，早覺普寧窺。戰勝蒙古船，十萬沉西涯。

富驕豈無極圓盈亦有虧桓桓左中將一舉戮高時
九傳莫言久須臾曆運移護良罹塵網靡掃遮邏蜘蛛
尊氏再開府典廐馭狐狸四世呼御所上杉立門楮
君臣相嫌忘幕檮巢燕墮一杉分爲兩黠鼠齧根皮
古河舊主種群雄相角拮八州蜂蟻鬪適從依阿誰
道寸軛割據魏奔盧又追黠鼠化爲虎自稱北條支
兩杉爲鳥有三浦亦曝屍鎌倉混邊鄙滿野秋草萎
唯有舊時月谷谷霽光奇神宮星霜古雲袂舞瑞籬
由比長濱渺石表雙幹歆江嶋巖洞允游龍落鱗而

金澤八景備縮遠湘圖披若逢陳農到遺書猶詢咨
羨汝遊勝境晤語寄吾思百聞換一見口誦紀行詩
十月二十日江土牧藤勿齋來會北塾有酬和
之詩乃同其韻

松竹林閑共結盟一酬一和善旻情檐間雨滴同參
語筆倒天河硯海傾

丹山竹

同席應江土牧之求

萬幹千竿脩竹垂如屏如幕又如帷吟鶯隔葉茂林
響瑞鳳擇棲佳實枝何問渭川陰窅窅云懷淇澳綠

倚倚丹山矗立清風細作譜誰人補凱之

謝江土牧

昨駐馬於尊門生光於陋室且聽清談見瓊章猶
恨日之不長漏之早催墮下諸生拙句幸觸電矚
欣色見於面殆成登瀛之思就中國繪三端蒙厚
惠可換敝袍以禦冬多謝多謝楮尾清詩一篇吟
而不措時方校書加以來客唇邊州州嗣韻餘期
再會頓首不宜

半日騷談燈繼晷佳篇吐玉筆臨池寒魚忽負小春

暖隊隊飛跳活潑時

五臺山初月

佳月初昇光霽淨松林移影阿闌幽桂輪回軌竺支
外我國臺山一色秋

天橋立銀沙

諾冊神遊今記曾天原高仰欲階升長沙一道銀敷
百應是瓊矛餘滴凝以上二首丹後風
月觀十景之內

龍燈松

龍在海中靈孤松立水汀潛鱗光徹上點破一株青

漁家烟

生涯網與竿編戶不求安風外竈烟暖門前簔袂寒

右二首風月
觀六境之內

靈芝詩序

延寶三年乙卯之秋自山基玄庭際生靈芝形圓
色紫當闕家之初自生瑞草不可不賀焉仲冬初
四冀勿齋藤君子默貴臨基玄宅以叙奕世之好
余以有姻族之親故携子姪門生來會主人設饗
接待子默作佳什以述賀同讌者相繼連祝詞以

爲小集皆言詩既成不可無序余謂偏見歷史則
孝子新繼事之時家有靈芝之瑞如張九齡者不
少矣就想先考休山叟務武事不誇功聲價藉甚
隨時翰晦得其名得其壽有始有終基玄及二弟
義玄高玄平生省定不懈敬順不違而今如在事
存之禮節亦無敢闕焉且其友于孔懷之情怡怡
如也嗚呼孝悌者百行之本也本立則一家自齊
可以招洪慶也然則今此瑞草生之庭者蓋先考積
善之餘有所感應乎自今以後景福佳祿得天之

佑以再興祖先闕闕之家所祝在茲此日此席弘
文院學士林叟序其詩曰

靈種昔聞賞葉名秀莖今見紫英生歲寒先喜艸之
瑞相待春風花木榮

同席和子默懷舊韻

曾遊不肯忘遺塵交際如同骨肉親此座雖無耆老
在一人分體作三人

太公磻月

世濁何時天下清磻溪投老不期榮不直鉤移影磻頭

月光被^ス全齋七十城

又

寂寂磯頭孤月高豈圖西伯偶相遭溪邊光霽齊風雲
態影落釣竿升白旄

右鍋嶋信濃守所求月題二
十件之首也清書用前詩

乙卯十一月七日冬至

夜半雷發轉地軸帝出乎震物始育六陰窮盡生
陽是月亦是七日復

十一月八日雪 倣著題體

同雲夕氣冥，花簇落長汀。銀色開窓見，玉聲隔壁聽。
埋池禽失白，綴竹葉餘青。寒不到爐底，照書勝自螢。

詠雪 十一月十二日

山放鵬分池散，鵝隨風飄點舞。婆娑外邊皆白羽，那
王物性同般問。孟軻

答江土牧

一簡一章斐然聯，珠併雪清吟骨比。日鬢發起若
平穩，珍重拙夫亦幸無恙然。老懶閉戶故久不敵
高門統冀，宥恕聞二十日在華軒，屈指待之。搨和

忽忽任口

冰箸垂垂掛四檐
手龜筆凍強排籤
衾裯莫厭水如
潑窓外寒梅玉色添

高永竹有老後述懷之作直民和之安悅勸余亦同押舊識年久豈可默哉

飽卽休休藜藿腸處閑不向利名場親踈窮達風雲散六十八年日月鄉

雪後眺望 四言

半殘半泮雪後林間
杉杉樹色是亦麂斑

扇面畫贊十首

其一 椿柳

椿柳交枝同在庭，半紅半白對渾青。
春開薛壽二王，宴一，是微醺一，是醒。

其二

富士山 三穗
松 遠帆 三

三穗原松青，八葉嶺雪白。
長風滄海遙，遠帆隻隻。

其三

鯉 并 小魚 及 蝦

依藻魚蝦一隊從，長流遊戲水溶溶。
小鮮雖樂又須，

畏大鯉奮鱗將化龍。